




Jetzt legt er loos – är isch voll dinn
verspricht per Mail e Lottogewinn
doch meist er zeerscht no Speese haa
denn s Gäld kunnt jo us Afrika.
Diend jetzt uff dää Lingg do kligge
und mer eiri Frangge schigge
leeget loos und waarted nit
der Gewinn, de gildet numme hit.
Vyyli Lyt leen soo sich blände
dien em Gäld fir d Speese sände
denn fir soovvyl Mylioone
wuurdi sich daas sicher loone.



**...ODER JOKER WAGGIS
FISCHE FRISCH! SUJETS!**

Doch isch d Faasnacht denn verbyy
 lemmer s Bschesse wiider syy!
 Nur lang nit jeede dänggt esoo
 der Bschiiss wiird sicher wyter goo.
 Drum wämmer Diir in s Gwisse schwätze
 groot bigoscht nit an die Lätze
 denn so schambaar dunggli Gstalte
 dien vo Gspässli nit vyyl halte.
 Sy zогgen ab – s isch dääne glyych
 Hauptsach isch sy wäärde ryych.